

Gedanken zur Aufführung

Scho isch üsi erschti Saison verbi
wo mir mit „Spilet wyter“ uf der Bühni si gsi.
Viel Zueschouer hei gfunge „das isch sensationell“.
Es paar hei gmeint: „ es Gschtürm! unprofessionell“.

Aber im Grosse u ganze
chöi mir uf Erfolgskurs tanze.
Vo de Bsuecher wo si nachecho
hei mir es grosses Lob übercho.

Das heisst d Regie het ds richtige gmacht
und üs Spiler uf es höchs Niveau bracht.
D Musig het ihre Ateil derzue dienet.
O si hei es Chränzli verdienet.

Ganz ohni Panne isch es doch nid gange.
I ha das zwar nid ganz verschtange.
Aber so geit es halt im Läbe.
Mängisch geit der Schuss dernäbe.

Sigs wies wöu, mir chöi itze löie
und üs uf ds nöchschte Stück fröie.

Alfred Schweizer (alias Lord Dudley)